

CULLETTIVITÀ TARRITURIALE DI CORSICA

**RAPORTU
N° 2014/E1/006**

ASSEMBLEA DI CORSICA

1^a SISSIONE STRAUDINARIA DI U 2014

U 30 È U 31 DI GHJINNAGHJU

**RAPORTU DI U SGIÒ PRISIDENTE DI U CUNSIGLIU
DI L'ESECUTIVU**

**CUNVINZIONE DI CO-MAISTRIA D'OPARA TRÀ A CUMUNA DI VIVARIU È
A CULLITTIVITÀ TARRITURIALE DI CORSICA RILATIVA À A CRIAZIONE
DI UN PARCHEGHJU À U CENTRU DI A TRAVERSA DI VIVARIU**

CUMMISSIONE CUMPIENTE : CUMMISSIONE DI U
SVILLUPU ECUNOMICU, DI L'ACCUNCIAMENTU DI U
TARRITORIU È DI L'AMBIENTE

CUMMISSIONE DI E FINANZE, DI A PIANIFICAZIONE, DI
L'AFFARI AURUPEI È DI A CUUPARAZIONE

CULLETTIVITÀ TARRITURIALE DI CORSICA RIPUBLICA FRANCESE

RAPORTU DI U PRISIDENTE DI U CUNSIGLIU ESECUTIVU DI CORSICA

UGETTU : Cunvinzione di co-maistria d'opara trà a Cumuna di Vivariu è a Cullittività Tarritoriale di Corsica relativa à a criazione di un parcheghju à u centru di a traversa di Vivariu

Stu raportu hà pà scopu di prisintà à l'Assemblea di Corsica u prugettu di Cunvinzione di co-maistria d'opara trà a cumuna di Vivariu è a Cullettività Tarritoriale di Corsica relativa à a criazione di un parcheghju à u centru di a traversa di Vivariu.

Cunfruntata à u rilevu duru è sfavurevule, a Strada Naziunale 193 ùn pussede oghje di cà un livellu d'accunciamentu à bastanza mudestu. L'investimenti messi in ballu sinu à avà anu parmessu di sigura di dà li una larghezza di piattaforma à bastanza curretta, è puru e so carattaristiche di pianu è di prufile di longu ùn aiutanu micca una circolazione nurmale è adatta pà una funzione strutturante (cunfortu di l'usante è pussibilità di duppiamentu).

À què s'aghjusta e difficoltà liate à a travirsata di u paese di Vivariu :

- Numaru di piazze di staziunamentu mancante ;
- Tighjati è argine occupate da veiculi in staziunamentu ;
- Tupugrafia di u situ è geumitria di a strada chì ùn parmettenu micca u staziunamentu lungitudinale,

In lu quattru di a messa in opara di u schema stradale rigiunale appruvatu da a deliberazione di u 23 di ghjugu di u 2011, è più particularmente di u l'accunciamentu di a traversa di Vivariu, a Cullettività Tarritoriale di Corsica vole accuncià u parcheghju esistente situatu à u centru di u paese da migliurà u megliu pussibile a so capacità.

Hà dunque l'uperazione pà ugettivu principale di caccia una parte maiò di e difficoltà liate à a mancanza di piazze di staziunamentu in lu centru di u paese di Vivariu. Hà da parmette issa suluzione, à cortu cortu andà di ùn avè più staziunamentu scumudendu a fluidità di a circolazione.

Hè pruprietaria a cumuna di un tarrenu chì hè aghjà utilizatu in area di staziunamentu. Issa parcella, situata à u centru di u paese è vicina da a Strada Naziunale 193, risponde perfettamente

à i bisogni di a CTC di accunzià e piattaforme da parmette staziunamenti in più.

Anu dunque vulsutu a cumuna è a CTC cunduce inseme a riflissione di pettu à a rializzazione di issa uoperazione, pà a so prussimità quant'è pà l'intaressu tarritoriale, a cumuna mittendu à dispusizione u tarrenu pà a rializzazione di e piazze di staziunamentu nicissarie.

Di più assigurarà a cumuna a mantinenza è u sfruttamentu di l'ecchippamentu, senza pircizzione di i debbiti di staziunamenti.

Cunsiste u prugettu à accunzià u parcheghju chì esiste situatu à u centru di u paese è chì l'accessu si face da a Strada Naziunale 193 à livellu di a piazza di Diana. A rimudillera di e piane hà da parmette d'accresce u numeru di piazze di staziunamentu. Muretti di petra di u paese è piantazione anu da parmette l'intigrazione à u situ. L'acque piuvane anu da esse canalizate è l'illuminera publica di u locu hà da esse rializata.

Cusì, da migliurà in issu quatu i mezi tennichi quant'è finanziarii è umani, i soci anu vulsutu ricorre à e mudalità di co-maistria d'opara urganizate da l'articulu 2 II di a lege n°85-704 di u 12 di lugliu di u 1985 relativa à a maistria d'opara publica è à i so raporti cù a maistria d'opara priva cumplittata da l'Urdinanza n° 2004-566 in data di u 17 di ghjugnu di u 2004 chì auturizeghja, quandi a rializzazione di un inseme d'opare dipende di modu simultaneu di a cumpitenza di parechji maestri d'opara publica, ch'elli ne designinu unu frà elli da assigurà a maistria d'opara di l'operazione d'inseme in lu quatu di una cunvinzione.

In oltre, deve issa cunvinzione pricisà e cundizione d'urrganizazione di issa co-maistria d'opara è stabilisce ne a fine.

In issu cuntestu, i soci anu custatatu l'utilità di ricorre à issa prucidura di co-maistria d'opara disignendu a Cullettività Tarritoriale di Corsica cum'è maestru d'opara diligatu di l'inseme di l'operazione è pricisendu ne e mudalità di issa co-maistria in lu quatu di sta cunvinzione.

Da cunclude, vi pregu :

- d'APPRUVÀ e principale carattaristiche di l'operazione ;
- d'APPRUVÀ a cunvinzione di co-maistria d'opara trà a Cumuna di Vivariu è a Cullettività Tarritoriale di Corsica relativa à a criazione di un parcheghju à u centru di a traversa di Vivariu ;
- di AUTURIZÀ mi à firmà è eseguisce a cunvinzione.

Vi pregu d'accittà di deliberà ne.

**CUNVINZIONE DI CO-MAISTRIA D'OPARA TRÀ A CUMUNA DI
VIVARIU È A CULLETTIVITÀ TARRITORIALE DI CORSICA**

RILATIVA À A CRIAZIONE DI UN PARCHEGHJU À U CENTRU DI A TRAVERSA DI VIVARIU

TRÀ

A cumuna di Vivariu

Dumiciliata, raprisintata da M. , chì agisce à e presente in qualità di Merre di Vivariu, auturizatu à firmà sta cunvinzione sigondu à a deliberazione di u Cunsigliu municipale n° _____ in data di u _____,

Quì dopu chjamata « a **Mirria** », o « **Co-maestru d'opara diligante** » da una banda,

È

A Cullettività Tarritoriale di Corsica

Dumiciliata à u 22 corsu Grandval BP 215 20187 AIACCIU Cedex, raprisintata da M. Paul GIACOBBI, chì agisce à e presente in qualità di Pridente di u Cunsigliu Esecutivu di Corsica, auturizatu à firmà sta cunvinzione sigondu à a deliberazione n° 14/ AC di l'Assemblea di Corsica di u,

Quì dopu chjamata « a **CTC** » o « **Co-maestru d'opara diligatu** » da una antra banda,

A mirria è a CTC essendu quì dopu di modu cullettivu disignati da « **i soci** ».

PRIAMBULU

Cunfruntata à u rilevu duru è sfavurevule, a Strada Naziunale 193 ùn pussede oghje di cà un livellu d'accunciamentu à bastanza mudestu. L'investimenti messi in ballu sinu à avà anu parmessu di sigura di dà li una larghezza di piattaforma à bastanza curretta, è puru e so carattaristiche di pianu è di prufile di longu ùn aiutanu micca una circolazione nurmale è adatta pà una funzione strutturante (cunfortu di l'usante è pussibilità di duppiamentu).

À què s'aghjusta e difficoltà liate à a travirsata di u paese di Vivariu :

- Numaru di piazze di staziunamentu mancante ;
- Tighjati è argine occupate da veiculi in staziunamentu ;
- Tupugrafia di u situ è geumitria di a strada chì ùn parmettenu micca u staziunamentu lungitudinale,

In lu quatu di a messa in opara di u schema stradale rigiunale appruvatu da a deliberazione di u 23 di ghjugu di u 2011, è più particularmente di l'accunciamentu di a traversa di Vivariu, a Cullettività Tarritoriale di Corsica vole accuncià u parcheghju esistente situatu à u centru di u paese da migliurà u megliu pussibile a so capacità.

Hà dunque l'uperazione pà ugettivu principale di caccia una parte maiò di e difficoltà liate à a mancanza di piazze di staziunamentu in lu centru di u paese di Vivariu. Hà da parmette issa suluzione, à cortu cortu andà di ùn avè più

staziunamentu scumudendu a fluidità di a circolazione.

Hè pruprietaria a cumuna di un tarrenu chì hè aghjà utilizatu in area di staziunamentu. Issa parcella, situata à u centru di u paese è vicina da a Strada Naziunale 193, risponde perfettamente à i bisogni di a CTC di accunzià e piattafirme da permette staziunamenti in più.

Anu dunque vulsutu a cumuna è a CTC cunduce insemi a riflissione di pettu à a rializzazione di issa uperazione, pà a so prussimità quant'è pà l'intaressu tarritoriale, a cumuna mittendu à dispusizione u tarrenu pà a rializzazione di e piazze di staziunamentu nicissarie.

Di più assigurarà a cumuna a mantinenza è u sfruttamentu di l'ecchippamentu, senza pircizzione di i debbiti di staziunamenti.

Cunsiste u prugettu à accunzià u parcheghju chì esiste situatu à u centru di u paese è chì l'accessu si face da a Strada Naziunale 193 à livellu di a piazza di Diana. A rimudillera di e piane hà da permette d'accresce u numeru di piazze di staziunamentu. Muretti di petra di u paese è piantazione anu da permette l'intigrazione à u situ. L'acque piovane anu da esse canalizate è l'illuminera publica di u locu hà da esse rializata.

Cusì, da migliurà in issu quattru i mezi tennichi quant'è finanziarii è umani, i soci anu vulsutu ricorre à e mudalità di co-maistria d'opara urganizate da l'articulu 2 II di a lege n°85-704 di u 12 di lugliu di u 1985 relativa à a maistria d'opara publica è à i so raporti cù a maistria d'opara priva cumplittata da l'Urdinanza n° 2004-566 in data di u 17 di ghjugnu di u 2004 chì autorizaghja, quandi a rializzazione di un insemi d'opare dipende di modu simultaneu di a cumpitenza di parechi maestri d'opara publica, ch'elli ne designinu unu frà elli da assigurà a maistria d'opara di l'uperazione d'insemi in lu quattru di una cunvinzione.

In oltre, deve issa cunvinzione pricisà e cundizione d'urrganizazione di issa co-maistria d'opara è stabilisce ne a fine.

In issu cuntestu, i soci anu custatatu l'utilità di ricorre à issa prucidura di co-maistria d'opara disignendu a Cullettività Tarritoriale di Corsica cum'è maestru d'opara diligatu di l'insemi di l'uperazione è pricisendu ne e mudalità di issa co-maistria in lu quattru di sta cunvinzione.

Cù a deliberazione in data di u _____, a cumuna di Vivariu hà datu u so avvisu favurevule cuncirnendu u prugettu di cunvinzione di co-maistria d'opara prisintatu da i servizii di a Cullettività Tarritoriale di Corsica.

Articulu 1 – Ugettu di a cunvinzione

A cunvinzione quì hà pà ogettu d'urrganizà e mudalità di una co-maistria d'opara pà a rializzazione di l'uperazione chì suveta :

**Nantu à u tarritoriu di a cumuna di Vivariu,
Criazione di un parcheghju à u centru di a traversa, riurrganizazione di u staziunamentu.**

A Cullettività Tarritoriale di Corsica chì hà cumpitenza da accunzià e strade tarritoriale hà da assigurà :

- a maistria d'opara di l'inseme di i travagli di a traversa,
- i studii di u primaprugettu, chì i piani sò appicciati à a presente,
- i finanziamenti di i travagli.

A cumuna di Vivariu chì hà cumpitenza in quantu à a pulizza di a circolazione, di staziunamentu in agglomerazione :

- a messa à dispusizione di i tarreni cumunali
- a gestione è l'intrattimentu di l'aree di staziunamentu, subbitu compii i travagli

Sò co-maestri a cumuna di Vivariu è a Cullettività Tarritoriale di Corsica di modu cunformu à e dispusizione di l'articulu 2 II di a lege n° 85-704 di u 12 di lugliu di u 1985 relativa à a maistria d'opara publica è i so raporti cù a maistria d'opara privata.

In appiugazione di isse dispusizione, decide a cumuna di Vivariu di diligà di modu tempuraneu a maistria d'opara à a Cullettività Tarritoriale di Corsica pà a rializzazione è l'accunciamentu di l'operazione discripta.

A Cullettività Tarritoriale di Corsica designata MO diligatu accetta issa missione in le cundizione di sta cunvinzione.

Articulu 2 – Prisentazione di a missione di u MO diligatu

Di pettu à i tracciati privisiunali è à l'inviluppe privisiunale cum'elli sò difiniti in l'appicciu 1 è 2, u MO diligatu s'ingagia à :

- Ingagià una consultazione pà l'operazione in lu scopu di designà :
 - u cuurdatore di sigurità,
 - l'impresu di travagli
- Cunclude è firmà i marcati currispudenti pà a rializzazione di l'operazione,
- Assigurà si di l'esecuzione bona di i marcati è prucedu à u pagamentu di l'impresu,
- Assigurà u suvità di i travagli,
- Assigurà a ricizione di l'opare, in le cundizione priviste in l'articulu 6.1 di sta cunvinzione,
- Prucedu à a rimessa à a cumuna di Vivariu di l'opare currispudente, cum'elli sò palisati in l'articulu 1^a è discripti in l'appicciu 1 di sta cunvinzione, in le cundizione priviste in l'articulu 6 di sta cunvinzione,
- Ingagià ogni azione in ghjustizia è difende in lu quatu di ogni lita cù l'imprisarii, maestri d'opara è pristatorii intarvinendu in l'operazione, in le cundizione priviste in l'articulu 9 di sta cunvinzione,
- È, di modu più generale, piglià ogni misura nicissaria pà l'eserciziu di a so missione.

Di più, assigurarà u MO diligatu a maistria d'opara di l'inseme di i travagli.

Articulu 3 - Prugramma è inviluppa finanziaria privisiunale di l'operazione

Cumprende l'accunciamentu da rializà l'inseme di i travagli nicissarii à a criazione di un parceghju in la traversa cum'elli sò difiniti in lu tracciatu in pianu di l'operazione appicciatu à sta cunvinzione (appicciu 1).

S'elli sò nicissarii travagli priliminarii relativi à l'opare da tuccà l'ubbiettivi stabiliti, avaranu à esse validati da a cumuna di Vivariu in un tempu di 2 mesi à parte si da u principiu di l'appiigazione di sta cunvinzione stabilitu in l'articulu 13, u tempu di rializzazione di l'operazione stabilitu in lu calindariu privisiunale (articulu 4 di sta cunvinzione) essendu tramandatu di modu listessu.

S'ingagia u MO diligatu à rializà l'operazione in lu rispettu totale di u programma è di l'inviluppa finanziaria privisiunale difinita cusì ch'ellu accetta.

Ogni mudifica di u programma sarà di modu ubligatoriu sottumessa à l'accunsentu di u maestru d'opara diligante, è à a cunclusione di un aghjustu à i marcati cunclusi, sigondu à e regule di passazione ch'li venenu appiigatoghje.

Articulu 4 – Calindariu privisiunale di rializzazione di l'operazione

Sta cunvinzione entre in appiigazione à parte si da a so nutificazione da a CTC à u MO diligante in le cundizione prviste in l'articulu 13 di sta cunvinzione.

S'ingagia u MO diligatu à mette l'opare à a dispusizione di u Maestru d'opara diligante à a fine di u tempu di rializzazione priscrittu in lu calindariu privistu in li marcati di travagli.

Di modu cunsicativu à a ricizione di l'opare, assigurarà u MO diligatu ogni missione discritta in l'articulu 2 di sta cunvinzione sinu à a rimessa di l'opare in le cundizione discritte in l'articulu 6 Ricizione di i travagli è rimessa di l'opare, di sta cunvinzione.

Infurmarà u MO diligatu a cumuna di Vivariu di u statu d'avanzamentu di i travagli in le cundizione prviste in l'articulu 5 Infurmazione di u MO diligante, di sta cunvinzione.

Ogni tempu privistu in la cunvinzione qu' pudarà in casu mai esse prlungatu da i ritardi ch' u MO diligatu ùn saria esse cunsidaratu da rispunsivule. Ogni prlungazione di tempu ch' u MO diligatu ùn saria esse cunsidaratu da rispunsivule sarà aghjustata à sta cunvinzione è aghjustata à u marcatu cuncirnatu, sigondu à e regule di passazione ch'li venenu appiigatoghje.

Articulu 5 – Infurmazione di u MO diligante

U MO diligatu infurmarà di modu rigulare a cumuna di Vivariu di l'evuluzione di l'operazione : messa à ghjornu periodica di u calindariu privisiunale di rializzazione di l'operazione.

U MO diligatu sullicitarà prima l'accunsentu di a cumuna di Vivariu nantu à i cartulari di prugetti pà a rializzazione di i travagli. Pà via di què, saranu adirizzati i

cartulari currispundenti à a cumuna di Vivariu da u MO diligatu.

Tuccarà à a cumuna di Vivariu à nutificà a so dicisione à u MO diligatu o à fà e so usservazione in lu tempu di trenta ghjorni dopu à a ricizione di i cartulari. In modu cuntrariu, u so accensentu sarà cunsidaratu cum'è uttinutu.

Sarà invitata a cumuna di Vivariu à e sfarente riunione di cantieri. Adirizzarà e so usservazione à u MO diligatu (o à u so raprisintante) ma mai mai direttamente à l'impresa.

Articulu 6 – Ricizione di i travagli

Una volta compii i travagli, sarà fatta a so ricizione cunghjunta sigondu à a regulamintazione di i Marcati Publichi in ballu è saranu rimessi l'opare à a cumuna, sigondu à e mudalità spiigate quì dopu.

Mentre l'operazione prima à a ricizione privista in 41.2 di u Quaternu di e Clause Amministrative Generale appiigatoghje à i mercati publichi di travagli, urganizarà u MO diligatu una visita di l'opare da riciziunà è ci parteciparanu l'impresse, u MOE è u MO diligante.

Cù issa visita si stabilisciarà un conturesu chì ripigliarà l'usservazione pussibile prisintate da u MO diligante è ch'ellu vole vede arrigulate prima d'accittà u PV di ricizione.

S'assigurarà dopu u MO diligatu di a messa in opara bona di l'operazione prima à a ricizione.

Stabilisciarà u MO diligatu a dicisione di ricizione (o di ricusu) è a nutificarà à l'impresa. Una copia sarà trasmessa à u MO diligante.

In casu di ricizione di i travagli chì cumpurtarianu riserve, s'è quesse quì ùn ponu esse tolte in furia, un prugettu d'aghjustu à u marcatu stabilitu da u MOE priciseghja i travagli nicissarii à a supprissione di e riserve è hè sottumessu à i soci pà l'esame di a presa in carica finanziaria di issi travagli. S'elli portanu i travagli di supprissione di e riserve versu una mudifica di u prugramma, inviluppa finanziaria è calindariu di rializzazione privisiunale, s'appieganu e dispusizione priviste in l'articuli 3 è 4.

Faciliteghja u MO diligatu l'accessu sigondu à e so pussibilità à i raprisintenti di u MO diligante, di u maestru d'opara è di l'impresa, ogni volta ch'elli a pensanu nicissaria, è quessa sinu à a firma di u prucessu-virbale di ricizione tutale di i travagli senza riserve.

Articulu 7 – Intrattinimentu è sfruttamentu di l'opare

À parte si da a messa à dispusizione di l'opare da u MO diligatu à a cumuna di Vivariu in le cundizione stabilite in l'articulu 6 di sta cunvinzione, l'intrattinimentu è u sfruttamentu di l'opare tuccarà à a cumuna di Vivariu à fà li.

U MO diligatu ùn pò esse cunsidaratu da rispunsivule di e difficoltà chì sarianu inghjinnate da un adopru pessimu di l'opare o da un difettu d'intrattinimentu di

quesse qui.

Articulu 8 – Mudalità di pagamentu.

8.1 Modu di finanziamentu

A Cullettività Tarritoriale di Corsica MO diligante partecipeghja à u finanziamentu di l'operazione sigondu à u pianu di finanziamentu in la limita di l'inviluppa finanziaria privisionale, discritta in l'appicciu 2 di sta cunvinzione.

8.2 Mudalità di pagamentu

Pà a parte di i travagli, i pagamenti sò fatti da a CTC di pettu à e fatture o situazione stabilite da l'imprese.

Articulu 9 - Rispunsabilità – Capacità à sustene un azzione in ghjustizia

Assumarà a CTC e rispunsabilità di maestru d'opara diligatu sinu à a rimessa tutale à a cumuna di Vivariu di l'opare rializate par ella in le cundizione stabilite in l'articulu 6 di sta cunvinzione.

Una volta rimesse isse opare à a cumuna di Vivariu, quessa qui ripigliarà à contu soiu i diritti è ubligazione di u maestru d'opara, è dinò tutte l'azzione cuntinziuse aghjà ingagiate relative à e so opare propie.

À a fine di u tempu di a garanzia di cumpiimentu parfettu, a cumuna di Vivariu farà l'affare soiu di l'azzione in guarenzie cuntrattuale è ligale relative à e so opare propie.

S'è l'aghjusti privisti in le cundizione discritte prima ùn sò micca firmati da i soci, o in casu di lita, ogni sociu numineghja un ispertu.

Issi sperti ne designanu in seme un terzu è ghjè a cummissione furmata da issi trè sperti chì risolve a lita.

In casu di fiascu di a cummissione di sperti, e lite sò purtate davanti à u Tribunale Amministrativu di Bastia.

Articulu 10 - Assicuranze

Ogni sociu devesse titolare di una pulizza d'assicurazione di rispunsabilità civile generale chì copre ogni cunsiquenza picuniaria di a rispunsabilità civile ch'ella hè capace à incorre di pettu à i terzi in quantu à tutti i danni curpurali, matiriali è immatiriali cunsicutivi o nò chì ponu succede mentre u periodu di custruzione quant'è dopu à a fine di i travagli.

Tuccarà à ogni sociu, in lu mese chì suveta a nutificazione di sta cunvinzione, à furnisce à l'altru sociu a ghjustifica ch'ellu hè titolare di l'assicurazione mintuvata qui sopra.

E pulizze d'assicurazione RC di ogni Co-MO avaranu à privede una clausa di

rinunzia à riscorsu contru à l'altru co-MO è u so assicuradore, fora di u casu di un isbagliu ingagendu a rispunsabilità di issu co-MO.

Articulu 11 – Mudifica è rializazione di a cunvinzione

A cunvinzione quì ùn pudarà esse mudificata solu in casu d'accunsentu trà i soci, l'accunsentu sarà furmalizatu pà via di un aghjustu à a cunvinzione.

A rializazione di u marcatu di MOE è/o di Travagli inghjenna cù dirittu tutale a rializazione di sta cunvinzione, senza remunerazione di u MO diligatu.

Sta cunvinzione sarà annullata in casu di sbagliu di u MO diligante (non rializazione di una di e so ubligazione di pettu à sta cunvinzione) fendu una lettara adirizzata da a CTC di messa in dimora in RAR lascendu un tempu di 15 ghjorni.

In casu di carenza, passatu issu tempu, una lettara di risiliazione in RAR sarà nutificata da a CTC è a risiliazione si mittarà in ballu un mese dopu à a nutificazione di a lettara di risiliazione.

In ogni casu di risiliazione, sarà fattu un custattu cuntradittoriu di e pristazione rializate da u MO diligatu, u MOE, è l'impresa. Adirizzarà u MO diligatu à a cumuna di Vivariu un bilanciù generale di l'uperazione.

In casu di non rializazione di l'ubligazione messe à a carica di i soci pà via di sta cunvinzione, unu di i soci pudarà prununzià a risiliazione unilatirale di sta cunvinzione dopu à una messa in dimora di trè mesi cù lettara racumandata cù avvisu di ricizione firmata senza cunsiquenza, è senza dirittu à l'indennità.

Articulu 12 – Cumpitenza ghjuridizionale

E lite relative à l'interpritazione, a conclusioni è a rializazione di sta cunvinzione saranu purtate davanti à u Tribunale Amministrativu di Bastia.

Articulu 13 – Messa in ballu è durata di a cunvinzione

Sta cunvinzione entre in appiigazione à parte si da a so nutificazione à u MO diligatu, dopu a firma è trasmissione à u cuntrollu di ligalità.

Si finisce à a data di rimessa di l'opare in le cundizione stabilite in l'articulu 6 di sta cunvinzione, è quand'elli saranu stati pagati i regulamenti finanziariii in le cundizione stabilite in l'articulu 8.2 di sta cunvinzione.

Sta cunvinzione cuntene dui appicci :

Appicciu 1 : Tracciatu in pianu di l'uperazione,

Appicciu 2 : Inviluppa finanziaria privisiunale è pianu di finanziamentu,

Fatta in _____ , **u**

In 2 (dui) esemplari

Pà u MO diligante

Pà u MO diligatu

A Cullettività Tarritoriale di Corsica,
U Pridente di u Cunsigliu Esecutivu
Di Corsica

A Cumuna di Vivariu
U Merre

Paul GIACOBBI

Hyacinthe RAFFIANI

APPICCIU 1

Tracciatu in pianu di l'uperazione (cf. pdf)

APPICCIU 2

INVILUPPA FINANZIARIA PRIVISIONALE ASSIGURATA DA A CTC

U prezzu privisionale tutale di l'uperazione cumprende u costu di l'inseme di i travagli da rializà da a CTC : geniu civile, catramera, e segnalazione verticale è urizontale di l'inseme di l'accunciamentu, illuminera publica, accunciamenti paisaghjeschi è mubiglia urbana.

Costu finanziatu da a CTC : stimatu à 1 000 000 € HT.

ASSEMBLEA DI CORSICA

**DELIBERAZIONE N° 14/ AC DI L'ASSEMBLEA DI CORSICA
AutURIZENDU A FIRMA DI A CUNVINZIONE DI CO-MAISTRIA D'OPARA
TRÀ A CUMUNA DI VIVARIU È A CULLETTIVITÀ TARRITURIALE DI
CORSICA RILATIVA À A CRIAZIONE DI UN PARCHEGHJU À U CENTRU DI
A TRAVERSA DI VIVARIU**

SIENZA DI U

L'Annu dui mila quatordecì è u, l'Assemblea di Corsica, cunvuncata di modu rigulare s'hè addunata cù u numaru priscrittu da a lege, in lu locu di e so sienze di solitu, sottu à a presidenza di M. Dominique BUCCHINI, Pridente di l'Assemblea di Corsica.

L'ASSEMBLEA DI CORSICA

VISTU u Codice Generale di e Cullettività Tarritoriale, Titulu II – Libru IV – IV^a parte,

VISTU u decretu n° 2006-975 di u 1^a d'aostu di u 2006 chì porta Codice di i Marcati Publichi,

NANTU À raportu di u Pridente di u Cunsigliu Esecutivu di Corsica,

DOPU À AVÈ NE DILIBARATU

ARTICULU PRIMU :

APPRUVA e principale carattaristiche di l'uperazione relativa à a criazione di un parcheghju à u centru di a traversa di Vivariu, nantu à a Strada Naziunale 193.

ARTICULU 2 :

APPRUVA a cunvinzione di co-maistria d'opara trà a cumuna di Vivariu è a Cullettività Tarritoriale di Corsica relativa à a criazione di un parcheghju à u centru di a traversa di Vivariu..

ARTICULU 3 :

AUTURIZEGHJA u Pridente di u Cunsigliu Esecutivu di Corsica à firmà è eseguisce a cunvinzione di co-maistria d'opara trà a cumuna di Vivariu è a Cullettività Tarritoriale di Corsica relativa à a criazione di un parcheghju à u centru di a traversa di Vivariu.

ARTICULU 4 :

A deliberazione quì sarà publicata in a raccolta di l'atti amministrativi di a Cullettività Tarritoriale di Corsica.

AIACCIU, u

U Pridente di l'Assemblea di Corsica,

Dominique BUCCHINI